



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

---

Број/Број: 06/7-50-13-107-5-3/11

Сарајево/Sarajevo, 27.01.2011.

## ZAPISNIK

5. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine (u daljnjem tekstu: Nezavisna komisija), održane 27.01.2011., s početkom u 12 sati

**PRISUTNI ČLANOVI NEZAVISNE KOMISIJE:** dr. sc. Mile Lasić, Predrag Crnogorac, mr. sc. Damir Čačković i Milana Škipina.

Prvi zamjenik predsjednika Nezavisne komisije Semiha Borovac dostavila je Odgovor na poziv za 5. sjednicu Nezavisne komisije od 24.01.2011. godine u kojem navodi da nije u mogućnosti prisustvovati 5. sjednici Nezavisne komisije zbog ranije ugovorenih obaveza, studijske posjete Belgiji u periodu od 23.01.2011. do 28.01.2011. godine.

**OSTALI PRISUTNI:** Gosp. Imelin Imširović, predstavnik USAID-a i Eldina Smailagić, privremeni sekretar Nezavisne komisije.

Sjednicu je otvorio i njome predsjedavao predsjednik Nezavisne komisije dr. sc. Mile Lasić.

Za sjednicu je predložen sljedeći

## DNEVNI RED

1. Usvajanje zapisnika 4. sjednice Nezavisne komisije;
2. Usvajanje Poslovnika o radu Nezavisne komisije (Mišljenje Zakonodavno-pravnog sektora Parlamentarne skupštine BiH);
3. Tekuća pitanja.

Dnevni red usvojen je jednoglasno bez dodatnih prijedloga i sugestija, nakon čega se prešlo na raspravu o pojedinačnim tačkama.

### Ad.1. Usvajanje zapisnika 4. sjednice Nezavisne komisije

Zapisnik 4. sjednice Nezavisne komisije usvojen je jednoglasno.

## **Ad.2. Usvajanje Poslovnika o radu Nezavisne komisije (Mišljenje Zakonodavno-pravnog sektora Parlamentarne skupštine BiH)**

Članovi Nezavisne komisije su u okviru ove tačke dnevnog reda razmotrali Mišljenje broj: 03/7 od 19.01.2011. godine koje je na tekst Prijedloga Poslovnika o radu Nezavisne komisije dostavio Zakonodavno-pravni sektor Parlamentarne skupštine BiH.

Članovi Nezavisne komisije prihvatili su mišljenje Zakonodavno-pravnog sektora Parlamentarne skupštine BiH da u Poslovnika o radu Nezavisne komisije kod pozivanja na ovlaštenja iz zakona treba izostaviti član 47. kao i sugestiju o usklađivanju teksta Poslovnika o radu sa Jedinstvenim pravilima za izradu pravnih propisa u institucijama BiH.

Konstatovano je da u naprijed navedenom mišljenju nije precizno određeno da li se Poslovnik o radu može objaviti u „Službenom glasniku BiH“. Članovi Nezavisne komisije iznijeli su zajednički stav da je Poslovnik o radu Nezavisne komisije potrebno objaviti u „Službenom glasniku BiH“ jer će to u znatnoj mjeri olakšati rad Nezavisne komisije u narednom periodu.

Nakon kraće rasprave Nezavisna komisija jednoglasno je usvojila zaključak:

I Usvaja se Poslovnik o radu Nezavisne komisije.

II Zadužuje se predsjednik Nezavisne komisije da uputi dopis Kolegiju Sekretarijata Parlamentarne skupštine BiH kojim će pozivanjem na Mišljenje broj: 03/7 od 19.01.2011. godine Zakonodavno-pravnog sektora Parlamentarne skupštine BiH tražiti da se Poslovnik o radu Nezavisne komisije dostavi „Službenom glasniku BiH“ radi objave.

## **Ad.3. Tekuća pitanja**

U okviru ove tačke dnevnog reda predsjednik Nezavisne komisije je izvijestio prisutne da su u skladu sa zaključkom sa prošle sjednice upućeni dopisi kojima se traži stručna pomoć u radu Nezavisne komisije na adrese :

1. USAID - Projekat jačanja parlamenata u BiH, n/r direktora Christian Haupta
2. OSCE - Ured u Sarajevu, Odjel za ljudska prava
3. Vijeće/Savjet Evrope - Ured u Sarajevu.

Odgovor na upućeni dopis do sada je stigao od USAID –a te je uspostavljen i kontakt predsjednika Nezavisne komisije i direktora USAID –a Christiana Haupta.

Gospodin Christian Haupt je upoznao predsjednika Nezavisne komisije da nije u mogućnosti pomoći u realizaciji stručne posjete Nezavisne komisije u Strazbur niti u neku zemlju EU gdje bi Nezavisna komisija mogla razmijeniti iskustva sa sličnim komisijama jer to nije ranije planirano. Gospodin Christian Haupt je podržao ideju o organizaciji zajedničkog sastanka sa svim upravnicima zatvora u BiH na kojem bi jedan od uvodničara mogla biti stručna osoba iz neke od zemalja EU a koju bi angažovao USAID. Navedeni sastanak bi pomogao u prikupljanju stručne literature, prevoda, izvještajao radu sličnih komisija u drugim zemljama i sl.

Predsjednik Nezavisne komisije je podsjetio da je već ranije planiran sastanak Nezavisne komisije sa upravnicima zatvora na koji bi bili pozvani i predstavnici Ministarstva pravde BiH i Ministarstva za ljudska prava i izbjeglice BiH.

Predsjednik Nezavisne komisije je konstatovao da je u narednom periodu planiran sastanak predsjednika Nezavisne komisije i direktora USAID –a Christiana Haupta na kojem će se

pokušati precizirati sva pitanja i mogućnosti za održavanje zajedničkog sastanka sa upravicima zatvora, angažovanje stručne osobe iz neke od zemalja EU i drugo.

U okviru ove tačke dnevnog reda članovi Nezavisne komisije su konstatovali da je potrebno sačekati da bude usvojen Zakon o Budžetu institucija Bosne i Hercegovine i međunarodnih obaveza Bosne i Hercegovine za 2011. godinu kada će se znati da li su sredstva odobrena od strane Zajedničke komisije za administrativne poslove Parlamentarne skupštine BiH za rad Nezavisne komisije uključena u bužet institucija BiH. Tek nakon toga može se pristupiti izradi operativnog plana rada za 2011. godinu.

U okviru ove tačke dnevnog reda predsjednik Nezavisne komisije je predložio da se u narednom periodu izradi promotivni letak Nezavisne komisije. Obzirom da Nezavisna komisija nema potrebna finansijska sredstva za izradu navedenog letka, utvrđeno je da se provjeri mogućnost za korištenje TAIEX instrumenta pomoći pri Direkciji za evropske integracije.

Osim naprijed navedenog u narednom periodu potrebno planirati i aktivnosti na pripremi prijedloga za izmene Zakona Bosne i Hercegovine o izvršenju krivičnih sankcija, pritvora i drugih mjera i to prije svega ostvariti kontakt sa ovlaštenim predlagaćem za izmjene zakona tj. Ministarstvom pravde BiH.

Nakon kraće rasprave Nezavisna komisija jednoglasno je usvojila zaključak:

Zadužuje se predsjednik Nezavisne komisije da pripremi prijedlog za izmjene Zakona Bosne i Hercegovine o izvršenju krivičnih sankcija, pritvora i drugih mjera.

Predsjednik Nezavisne komisije dr. sc. Mile Lasić je u 15 sati zaključio sjednicu.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić